

Panuitanga i nga Ingoa o nga Tangata kua Whakaingoatia hei Komiti mo etahi Whenua kua Whakakaporeihana.

I ROTO I TE KOOTI WHENUA MAORI O NIU TIRENI,  
TAKIWA O KIHIPANE.

**H**E panuitanga tenei kia mohiotia ai ko nga tangata e mau nei o ratou ingoa i te rarangi tuarua o te Kupu Apiti i raro iho nei, kua whakaingoatia kia pootitia ratou hei komiti whakahaaere i nga tikanga mo nga poraka whenua e mau nei nga ingoa i te rarangi tuatahi.

I tuhia ki Kihipane, i tenei te 14 o nga ra o Aperira, 1908,  
Na HERORA KAA, Kai-rehita.

#### K U P U A P I T I .

| Te Ingoa o te Poraka.         | Nga Ingoa o nga Tangata kua whakaingoatia.  |
|-------------------------------|---|
| Kaiti Nama 313, Tekiona 1C .. | Turanga Rawiri.<br>Hapi Hinaki.<br>Hoera Hinaki.<br>Hemi Kauta.<br>Keepa Pomare.<br>Wi Wharekino.<br>Pita te Hau.<br>Hoani Matiaha.<br>Peta Tiakiwai. |
| Tauwhareto Nama 1D ..         |   |

#### PANUITANGA.

##### PEEKE TIAKI MONI I NGA POUTAPETA.

1. **E**TUWHERA ANA he Peeke Tiaki Moni i ia ra i ia ra mo te mahi tango moni mo te mahi utu moni hoki i te nuinga o nga Poutapeta Whakaputa Ota Moni i Niu Tiren, i roto i nga haora i whakahaaere ai te mahi mo nga ota moni.

2. Ko te moni hua e riro ana i te Kai-tuku Moni e £3 10s. i roto i te £100 mo nga moni tae atu ki te £300 e tukua ana e ia ki te peeke pera takoto ai, ki te neke ake nga moni i tukua peratia i te £300 tae atu ki te £600, ka heke iho te moni hua ki te £3 i roto i te £100. Kaore e utua ana he moni hua mo nga moni i neke ake i te £600 o te kaute kotaiki.

3. E tino tau ana ki runga ki te Kawanatanga tonu te tikanga mo te utu hohoro i nga moni kua tukua e nga Kai-tuku Moni ki aua peeke takoto ai.

4. Ka ahei te Kai-tuku Moni ki tetahi Peeke Tiaki Moni a te Poutapeta, ki te tukua moni ki etahi atu o nga peeke pera i roto i taua Takiwa Poutapeta takoto ai, ka ahei ano hoki ia ki te tango mai i tana moni i roto i tetahi Peeke Tiaki Moni i te Poutapeta i roto i te takiwa na e marama ana hei tononga atu mana.

5. E kore rawa e whakina nga ingoa o nga Kai-tuku Moni ki nga Peeke Tiaki Moni i nga Poutapeta, te nuinga ranei o nga moni i tukua atu e ratou ki te peeke takoto ai.

6. Ka ahei nga tamariki ki te tukua moni ki te peeke pera takoto ai, ka ahei ranei kia tukua he moni ki te peeke i runga i o ratou ingoa. Ki te maha atu o ratou tau i te whitu nga tau ka pena ano te tikanga mo ratou me te tikanga e whakahaaere atu ana ki te hunga kua pakeke; engari ia e kore nga tamariki pera e ahei te tango atu i aua moni kia tae ra ano o ratou tau ki te whitu nga tau.

7. Ka ahei kia whakatuwheratia he Kaute Tukunga Topu i runga i te ingoa o te hunga tokorua, maha atu ranei mo te taha ki a ratou, mehemea e hara ratou i te Kai-tuku Moni i runga i te tikanga topu, motuhake ranei.

8. Ko nga tono katoa e pa ana ki te tikanga whakahaaere i te mahi o nga peeke Tiaki Moni i nga Poutapeta, me nga utu ki aua tono, e puta utu-kore ana i roto i te meera.

9. Ki te hiahia te tangata kia whakamaramatia atu etahi atu kupu mo runga i te mahi whakahaaere i nga Peeke Tiaki Moni, ka taea tena te tono atu ki te Rangatira o tetahi Pou-tapeta, te tono atu ranei ki.

TE HEKERETARI,  
I te Tino Poutapeta, i Poneke.

Te Tino Poutapeta,  
1 o Hanuere, 1907.

#### PANUITANGA.

**H**E whakaatu tenei kia mohiotia ai ka taea nga puka-puka kua whakahuatia i raro iho nei te tono atu i te Kai-ta a te Kawanatanga, i Poneke, ina tae mai te utu e tika ana, e pai ana te tuku Pane Kuini mai, noti o te Pou-tapeta, Ota Moni ranci.

Me ata whakaatu mai hoki te Poutapeta e tata ana ki te kainga ina ka tuhia mai te pukapuka ki te Tari o te Kai-ta a te Kawanatanga.—

Te Pukapuka o nga Ture e pa ana ki te Iwi Maori, o te tau 1886. Ko te utu, 1s.

Te Pukapuka o nga Ture e pa ana ki te Iwi Maori, o te tau 1892. Ko te utu, 1s.

Te Pukapuka o nga Ture e pa ana ki te Iwi Maori, o te tau 1893. Ko te utu, 2s.

Te Pukapuka o nga Ture e pa ana ki te Iwi Maori, o te tau 1896. Ko te utu, 2s.

Te Pukapuka o nga Ture e pa ana ki te Iwi Maori, o nga tau 1897, 1898, 1899, 1900, 1901, 1902, 1903, 1904, 1905, 1906. Ko te utu mo ia pukapuka mo ia pukapuka pera mo ia tau, 1s.

Te Kahiti Rarangi Ingoa o nga tangata i wehea nei he rahui mo ratou i roto i te Poraka o Waimarino. Ko te utu, 1s. Nga Korero Paremete, 1881, tae mai ki naianei. Ko te utu mo ia pukapuka mo ia pukapuka pera mo ia tau, 6d.

Te Ora mo te Maori: na Hemi Henare Popi. Ko te utu, 1s. Te Pukapuka Rarangi Ingoa o nga Tangata o ia wawahanga o ia wawahanga o Te Awaruia Poraka, whakaatu hoki i nga hea o ia tangata o ia tangata. Ko te utu, 10s.

Nga Taita Korero Whakapata a te Maori me nga Karakia o Nehe: na Hone Waiti i mahi. Pukapuka Tua-ono. Ko te utu, 7s. 6d.

Te Tiriti o Waitangi: he tino tauira tenei. Ko te utu, 5s. Nga Huarahi-whakahaaere o te Kooti Whenua Maori: he mea ta ki te reo Maori. Ko te utu, 1s.

Huarahi-whakahaaere Apiti atu ki nga Huarahi-whakahaaere o te Kooti Whenua Maori. Ko te utu, 6d.

Karakia mo te Ra (te 20 o nga ra o Hune) i whiwhi ai te Kuini i te Karauna o Ingarangi. Ko te utu, 6d.

Nga Tikanga-whakahaaere i raro i Wahi II o Wahanga 11 o "Te Ture Kooti Whenua Maori, 1894": he mea ta ki te reo Maori. Ko te utu, 6d.

Nga Huarahi-whakahaaere i raro i nga tikanga o "Te Ture Taone Maori, 1895." Ko te utu, 6d.

Ko te Haerenga o te Manene: I tuhia e Hone Paniana. Ko te utu, 1s.